

書名 [宋丞相李忠定公奏議六十九卷]附錄九卷
 正德十一年跋刊本 (卷第十二至第二十二第三十二至第四十)鈔本
 撰者 宋 李綱 撰, 明 朱欽 輯併校
 卷 卷四
 內容分類 史-詔令奏議-奏議-宋
 索書號 大木-總類-奏議-別集-9
 編號 B1913500

卷四



[彩色首頁1](#)

宋丞相李忠定公奏議附錄卷之一
 後學同郡畏庵朱欽
 文林郎邵武縣知縣泰和蕭洋編校
 邵武縣儒學署教諭事嚴陵洪鼎校正

靖康傳信錄序
 二日差充行營司叅謀官四日除尚書右丞充
 充親征行營使二月三日以姚平仲事罷職
 伏闕復舊職改充都大提舉京城四壁守禦
 除知樞密院事六月差充河北河東路宣撫
 使七月出師次懷州八月召赴闕議事九月還次封丘除

[東洋文化研究所漢籍目錄 編號: B1913500](#)

[東洋文化研究所漢籍目錄所藏漢籍善本全文影像資料庫 索書號:](#)

[大木-總類-奏議-別集-9](#)

[漢籍善本全文影像資料庫文本 \[宋丞相李忠定公奏議六十九卷\] 附錄九卷 正德十一年跋刊本 \(卷第十二至第二十二第三十二至第四十\)鈔本](#)

版權所有: [東京大學 東洋文化研究所](#)

[使用上の注意事項](#)



黃潛善謂逗遛不進致失機會臣奏曰河東經制司受命啓行纔方數日猶尚在京師恐難謂之逗遛今日事勢未見機會可乘不若盡將帥之慮乃可責以成效用其言而績用弗成朝廷自有典憲議久不決八月十四日內降御批傳亮兵步不可渡河可罷經制副使發赴行在八月十五日臣以疾不任事上表劄乞罷尚書左僕射除在外官觀差遣八月十六日蒙恩差內侍宣押赴都堂治事上第一表劄八月十七日蒙恩差內侍宣押赴內殿奏事上第二表劄八月十八日內降麻制除臣觀文殿大學士提舉杭州洞霄宮當日罷任

奏議附錄卷之三終

宋丞相李忠定公奏議附錄卷之四

擬撰表本飛炎元年七月得旨擬撰

起居道君太上皇帝表本見時政記

起居孝慈淵聖皇帝表本見時政記

靖康擬詔書八首內二首缺

撫諭河北詔

獎諭徐處仁詔書明有進呈劄子并御批見正錄第七卷

起防秋兵詔特勞騎出境朝先恬然以為無事防邊禦寇之策置而不問公竊憂之與

同知樞密院事許翰議於上前謂今秋敵必再至宜預詔天下起兵防秋為捍禦之計上命草

詔以諭諸路安撫總管幹路安

朕初嗣歷服遭時艱難犬羊之群敢肆陵侮侵犯邊境達于都畿賴宗廟社稷之靈賢士大夫勤王將士之力以克捍禦而倉卒之間輔臣失計割三鎮以賂之天啓朕心斥去姦回決策堅守今者重兵尾襲賊騎遁逃朔部無虞與天下同慶然而虜情狡獪未有所懲秋高馬肥虜復侵軼非以虎符起天下兵控扼邊陲蕩穢醜則何以振懼狂虜奮張國威以定中興之業詔到仰諸路安撫總管鈐轄司各下所管州軍遴選將佐訓練正兵招填闕額繕治器甲儲蓄芻糧預備軍須以聽朕命夫一歲之間而再動師旅良非獲已共懣大憤茲惟其時故茲詔示想宜知悉

募民出財詔

時降詔諭諸路起防秋兵委者悉財不足公議於上前乞募民出財助

可濟上命草詔以諭中外

朕嗣承丕緒夙夜兢惕思所以綏撫四海惠養元元以為無窮之計而寇戎弗靖未能偃兵故將起天下之師以振國威然而興師十萬日費千金方今積弊之後雖朕痛自刻勵罔敢汰侈罷斥浮冗粗給經費其於師旅之用誠未有以贍之也昔漢帝募民入粟塞下而師賴以濟今朕上為宗廟社稷之重將以定中興之業下為億兆蒼生之衆將以圖休息之期此忠臣義士協濟艱難之秋也應天下士民上戶有能推其財較贏餘以佐軍興者州縣聽其自

願不得抑勒不以多寡別項儲蓄專以為募兵養士之費
具數申樞密院各以名聞朕將等第推息以為忠義之勸
故茲詔示想宜知悉

戒諭姚古詔書

姚古為河東路制置使久駐師
威勝軍不進上令草詔戒諭之

勅姚古太原為河東根本右控關陝左通朔部在三鎮尤
為重地金賊攻圍殆百餘日兵疲糧乏勢危力殫羽書日
聞夙夜憂念以卿素著忠勇為時名臣故命統帥諸將進
兵應援近雖已復隆德威勝前托南北關尚未聞踰圍預
越徐溝以造太原之下致使賊馬猖獗侵掠汾晉其何以
解朕西顧之憂詔到其率勵士卒戮力用命破堅却敵解

圍太原以復忻代高爵厚祿朕何愛焉故茲親筆詔示想
宜知悉夏熟鄉此平安好遣書指不多及

賜夏國主詔書

時金人化關夏人亦起兵以襲西
度郡延路激進夏人檄書上命
其意以撫慰之

詔夏國主朕居春宮十有餘載弗敢怠逸四方所聞道君
太上皇帝享國日久履萬機之繁爰議內禪朕辭不獲命
遂登大寶深惟祖宗建構之隆上皇付託之重夙夜兢惕
懼不克任而金人不道乘郭藥師背叛之故陷沒燕山倣
擾邊境達于都畿肆為貪殘劫質以往永念鄉屏翰之舊
信誓皎然義當戮力同濟艱難以敵王愾而陝西奏報乃

言鄰國點集重兵五路深入攻陷城堡殺傷兵民朕惟鄉
明允篤誠世濟忠孝主于西陲藩屏帝室多歷年所英聲
流聞今至于茲始朕德弗類嗣政之初未能綏撫之所致
也西顧悵然良自傷悼及得卿廷路帥臣章疏繳到鄉國
檄書公牒省覽再三乃知構兵起於誤聽檄書初言中國
失德數事皆曩時大臣誤國上皇已降詔書深自悔悼今
朕克已求治以儉先天下凡淫巧奢麗之具一切屏去蠹
國害民之臣咸已竄誅前日之事所不復論中言賀正入
使之歸所見京城整齟兵甲修治接櫓疑有姦臣變亂此
乃隄防金人之故豈有他訖終言與本朝信誓之久義須

救援以此知鄉忠義有素誤聽致此初無他心至於過差
之辭朕初不之罪也公牒言國書之實與舊不同此乃有
司用實差誤已重竄責凡茲細故朕既釋然鄉亦宜亮夫
金人以叢爾海隅之國背天逆神滅絕契丹遂陵中國淫
暴滋甚使其得志何有於鄉哉孤軍深入理當勦殄朕以
皇弟肅王在其軍中弟命將士驅逐出境邊城晏然前遣
康隨鄭惟康道意必亮此誠詔到鄉宜釋去疑慮撫諭將
士袖迴甲兵修好如故高爵厚賜朕何愛焉今遣武功大
夫王祐武功郎馬特告諭故茲詔示想宜知悉夏熟鄉此
平安好遣書指不多及

與大金國書

幹離不遜割三鎮既退兵三鎮之民為朝廷堅守誓不從虜上命草書與

虜主道意

靖康元年五月姪大宋皇帝致書于伯大金皇帝闕下葬德之居東宮十有餘年矣邇者道君太上皇帝厭萬幾之煩遂議內禪肆及眇躬膺受大寶惟懷永圖願修鄰好而兵革擾攘未遑致問其為懷企何可勝陳言念徃日遣使海上通兩國之歡信誓昭然金帛之輸未嘗有關誠謂世守茲盟無有藹貳而皇子郎君乃捃拾細故敗棄舊約因叛將藥師以兵內嚮度劉邊陲深入畿甸乘中國之不備遂肆馮陵誠非所望於善鄰也城下之盟蓋緣輔臣怯懦失

計重鎮寶貨一切惟命皆出要盟神所不臨豈復可用而况還師渡河劫虜肅王已復渝約勤王之師百萬集于城下將士憤怒咸欲邀擊徒以肅王在軍之故深戒用兵使得全師以歸而皇子郎君肆為淫暴屠戮良民係纍婦女焚蕩室廬不可勝計緣是之故三鎮之民皆出死力為國堅守雖朝廷號令有所不從此乃軍前失信之所致也重念頃者道君太上皇帝與大金皇帝歡盟相得之孚既滅大遼分燕山之故境以歸中國累年于茲中國未嘗得粒粟尺帛之助而漕運之勞金幣之費不可勝計今燕山陷沒既渝前約又欲併取三鎮之地使弊邑無以為弄翰是

豈大金皇帝之旨哉且皇子郎君雖貴人臣也坐受本朝
宰臣親王之拜敗盟爽約妄起兵端黷貨無厭求取不已
有一于此豈人臣之所當為哉弊邑無辜橫遭屈辱以大
金皇帝之聰睿仁慈寧不諒此遠恃英明敢以實告前日
皇子郎君割地求賂廣有要索弊邑不校悉皆聽從彼此
非誠人情不遠誰不知之欲尋往日之盟以結兩國之好
使兵革不用生靈休息莫如度其所可行者重結盟誓以
信守之昔我烈祖貞宗皇帝與大遼盟于澶淵百有餘年
未嘗少有變故天祚失德不可振起乃至於茲大金皇帝
儻垂英察使燕山歸于大邦三鎮安于弊邑各得其所保

茲舊疆信使交通歲幣修好傳之永世為子孫無疆之休
顧不韙歟謹遣使人徃布誠悃儻或見允願示佳音所有
黏罕國相軍馬見在河東亦冀召還以篤和好有少禮物
具如別錄中夏炎蒸遠祈保祐

與高麗王詔書

金人退師朝廷遣使臣侯章等至高麗國上命草詔與之

詔高麗國王朕居春宮十有餘載雖德不類罔敢怠逸亦
惟四方所聞道君太上皇帝享國日久厭於萬機之煩爰
議內禪朕辭不獲命遂登大寶深惟祖宗基構之隆上皇
付託之重夙夜驚惕懼不克任而金人不道乘郭藥師背
叛之故陷沒燕山俶擾邊境達于都畿方朕即政之初遭

此震驚以故未及與王相聞朕惟王世濟忠孝膺受顯冊
奄有三韓之地拜翰之膺久受國恩肆我烈祖神宗皇帝
遣使修聘禮意備至情同骨肉義則君臣以至于我道君
太上皇帝頻年遣使錫賚不貲待遇加等朕惟中國與王
遠隔遼海壤斷土絕而恩禮如此豈有他私亦惟藩衛中
國庶幾艱難有以敵愾者金人乘我不備與叛人偕來
深入內地王國與之為鄰相望無數百里之遠而不能蕩
其巢穴以報中國豈累朝待遇殊絕之意邪彼金人者固
嘗臣屬於王以葦爾海隅之醜背天逆神絕滅契丹遂陵
中國淫暴滋甚使其得志何有於王哉孤軍深入理當勦

殄朕以其劫質肅王而去第命特士驅逐出境邊城晏然
方特起天下之兵問罪小醜王其率勵師衆相為表裏以
行天誅夫紂敵王惡獻俘本朝以報中國數世之恩大忠
也取亂侮亡誅討淫暴以伸威沙漠之外大義也拓地開
境覆其巢穴以報驕不臣之虜大威也一舉而三者皆
得王何憚而不為哉高爵厚賜朕於王無所愛惜王其勉
之今遣侯章等往諭至意夏熟比平安好遣書指不多及

宋丞相李忠定公奏議附錄卷之四